

# جريدة محاكم

١٢٩٠

## جمعه ايرتسى

نومرو	جادی الاولی	سنه	شباط	سنه	صفیفة
٢٨٧	٢٨	١٣٠٢	٩	١٣٠٠	٢٥١٣

- اشبو غزته بهر هفته جمعه ايرتسى كونلری چيقار سنه لکی در سعادت ایچون مجیدیه
  - یکرمی غروش حسابیله التمش غروشدر طشره ایچون اون بش غروش پوسته اجرتی ضم اولنور بهر
  - نسخه سی بنه مجیدیه یکرمی غروش اولق اوزره یوزپاره یه هر یرده صاتیلور درج اولنه جق اعلاناتک
  - هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائره سنده کائن
- جریده محاکم اداره سنه مراجعت انلیلدر

## قسمت سومی

( توجیهات عدلیه )

مرکز مدعی عمومی معاونی رضوان بکه

جزایر بحر سفید مرکز مدعی عمومی معاونی کنغورق افندی به

قوصوه بدایت محکمه سی جزا دائره سی ریاستی بروسه مقاولات محرری مصطفی افندی به

قرق کایسا بدایت محکمه سی جزا دائره سی ریاستی دیمتوقه بدایت محکمه سی جزا دائره سی ریاستی بامر افندی به

دیمتوقه بدایت محکمه سی جزا دائره سی ریاستی

ادرنه ولایتی عدلیه مدیر لکی انضمامیله استیناف محکمه سی ریاست اولاسی محکمه مذکوره رئیس ثانیمی انور بک افندی به

ادرنه استیناف ریاست ثانیمی ادرنه بدایت محکمه سی جزا دائره سی ریاستی فیهی افندی به

ادرنه مرکز مدعی عمومی معاونی جزایر بحر سفید

287

قوصوه بدایت محکمه سی جزا رئیس عزتلو احمد  
اسعد افندی به

جزایر بحر مفید ولایتی داخلنده سومبکی بدایت  
محکمه سی جزا ریاستی علی بایزید افندی به

جزایر بحر سفید ولایتی داخلنده یده بدایت  
محکمه سی جزا دژره سی ریاستی بره جک نائی  
سابق احمد نجیب افندی به

دیار بکر بدایت محکمه سی ریاست اولاسی خراسان  
نائی سابق امین افندی به

دیار بکر مرکز بدایت محکمه سی مدعی عمومی  
معاونتکی سعرد مدعی عمومی معاونی احمد جدی  
افندی به

سعرد مدعی عمومی معاونتکی امامیه بدایت باش  
کاتبی هطاف افندی به

سیواس مرکز بدایت محکمه سی ریاست ثانیه سی انقره  
بدایت رئیس نائیبی رفعتلو طیب افندی به

انقره بدایت محکمه سی ریاستی سیواس بدایت  
رئیس نائیبی طاهر افندی به

عدلیه نظارت جلیله سی مترجلکنه مهاجرین  
قومیسونی مترجی سعادتلو ولی الدین بک

طرابلس غرب تجارت ریاستی بنغازی مدعی عمومی  
معاونی محمد جدی افندی به

بغداد استیناف مدعی عمومی قسطنونی بدایت  
محکمه سی مدعی عمومی معاونی صالح مخص بکه

قسطنونی بدایت محکمه سی مدعی عمومی  
معاونتکی حلب مرکز معاونی سابق مجیب  
افندی به

ایچ ایل مدعی عمومی معاونتکی در سعادت بدایت  
محکمه سی مداوملرندن صلاح الدین فندی به

ماردین بدایت محکمه سی مدعی عمومی هاونلکنه  
ملاطبه مدعی عمومی معاونی محمد علی فندی به

ملاطیه بدایت محکمه سی مدعی عمومی معاونتکی  
مرعش مدعی عمومی معاونی محمد توفیق افندی به

مرعش مدعی عمومی معاونتکی مکتب حقوق  
طلبه سندن مصطفی افندی به

سرفیجه مدعی عمومی معاونتکی در سعادت استیناف  
محکمه سی مداوملرندن طلعت افندی به

چانیک بدایت محکمه سی جزا دژره سی ریاستی  
چهارشنبه نائی انور افندی به

معموره العزیز ولایتی داخلنده کائن جریمیک  
قضاسی بدایت محکمه سی مستنطقی اعضادن  
عبدالجید افندیک مخالف قانون احوال وحرکاتی  
دیار بکر عدلیه مفتشلکنندن مرسل اوراق تحقیقیه ده  
بیان و اشعار اولتسمیله مومی الیهک تحت محاکمه به  
النسی حقتنده نظارت جلیله عدلیه دن مذکور مفتشلکه  
مأذونیت رسمیه اعطا یورلمش نتیجه محاکمه سنه  
دائرالنه جق معلوماتک تشر و اعلانی امور طبیعیه دن  
بولنمشدر

( عدلیه نظارت جلیله سندن فی غره جادی )  
( الاولی سنه ۳۰۲ وفی ۴ شباط ۳۰۰ )  
( تاریخنده بالجله ولایانه یازیلان تحریرات )  
( عمومیه نک صورتیدر )

مأمورین عدلیه نک سنین سابقه وسنه حالیه جریده  
محاکم ابونه بدلاتندن ذمتلری اولان مبالغک هنوز  
ارقه سی النهمامش ومرور وقت ایله متعسر الحصول  
برحاله کله جکی بدیهی بولنمش اولدیغندن اشبو  
ذماتک مأمورین عدلیه نک معاشاتندن مال  
صندوقلرنجه توقیفنه لزوم کورینه رک اولبایده  
هدلیه مفتشله رینه دخی اجرای تبلیغات اولنمش  
اولدیغندن مفتشله و یا مدعی عمومی ومعاونلری  
طرفندن جریده بدلاتندن ذمتلری اولنلرک اسامیسنی  
مبین مال مأمورلرینه ویریه جک پوصله موجبجه

ایجاب ایدنلرک معاشلرندن بالتوقیف سنه نهایتنه  
قدر ارسال اولنقی اوزره علی الاصول مفتشله  
تسلیمی ضمننده ایجاب ایدنلرک تبلیغات مقتضیه ایفاسی  
خصوصنه هم

( عدلیه نظارت جلیله سندن فی ۶ جادی )  
( الاولی سنه ۳۰۲ وفی ۷ شباط سنه )  
( ۳۰۰ تاریخیه بالعموم ولایات عدلیه مفتشلکریله )  
( در سعادت واصکدار و بک اوغلی محاکمی )  
( ریاست اولالرینه و تجارت محکمه سی ریاست )  
( اولاسنه واعلامات شرعیه اجرا مأمورینه )  
( یازیلان تحریرات وتذکره صورتیدر )

طغرا و یازولری اوقونمز صورتده سیلنمش مجیدیه  
چاریکلری اصناف طرفندن التیوب اهالینک  
دوچار مشکلات اولدقلری کبی مال صندوقلرینه  
کتوریلان اچقرم میاننده ده ظهور ایدن بومثالو  
سیلک چاریکلر قبولی طرفنه کیدیه مدیکندن بوکا  
متفرع احوال دن بحثله اقتضاسنک بدلیرلمسی  
بعض محالردن از بار اولتسنه مبنی تدقیقات لازمه  
لدی الاجرا ولایت مال صندوقلرندن جانب خزینه به  
توارد ایدن مبالغ میاننده ظهور ایدن سیلنتیلی چاریکلر  
کثرت تداولدن سیلنمش اولیوب برطاقم صراف  
ومحتکرلر طرفندن کذاب وسائر واسطه ایله کوشی  
چالیش اولدیغنی اکثریمنک برطرفی سیلنمش اولدیغنی  
حالده دیکر طرفنی بوزلماش و بعضیسنک دخی ایکی

### قسم غیر رسمی

اسکدار مدعی عمومی سابق جدی و برابری جال بکر و ژاندرمه او نباشیسی اجد اغا و پولیس قومیسری عزت افندی ایله جانغچی مهراک در سعادت محکمه استینافیه سی جنحه دازه سنده بشچی دفعه اوله رق اجرا قلنان محکمه لرنک

ما بعدیدر

جدی بک - (بوکاتعلیق اولق جهتله ارتق صبره تحملز قالدیغی جهتله تقدیمه مجبرر اولدم (برکاغد چیقارهرق محکمه یه اعطا ایدر) افندم صاحبز وار پادشاهمز وار بوغدری تهدیدات ارتق یتشور . رئیس بک افندی حضرتلری او قودقن صکره ضبط کاتبی بهاء الدین بک افندی به کوندر

رئیس - (کاتب بکه خطاباً) او قویکز

کاتب بک - استیناف مدعی عمومی هاونلرندن رشید امضالی . . . اسکدار مدعی عمومی سابق جدی بک افندی به خطاباً یازمشدر

خلاصه مالی (بک افندی محکمه استیناف جنحه دازه سنده ضارب مهراک اولق مظنونیتله اجرا قلنان محاکمه کز اثناسنده عقل و تصورک خارجنده اوله رن بنده کزه وقوع بولان عزویات و اسناداتکز مطبوعات ستونلرینه پکن افاداتکزدن آکلاشلدی دکل بویه افترا حقکزه سندات قویه و صحیحه ایله اثباته مقتدر اولدیغ معلوما تمدن بحث ایتک ایتمه مدیکم حالده بود دفعه کی جرأتکز و برطاقم اسناداته بحاسرت ایدیشکز ناموس مسئله سنه انتقال ایتدیکنندن محافظه ناموسم ضمنده مجبور اولدیغ

جهتی سیلمش اولسیله ثابت اولدیغی کبی قرار عالی موجبجه بوکره ضرب و اخراج اولنان او فافلغک دخی آز زمانده کوشلری چالنه رق انوب و برلسنده مسکلات چکیله جکی جهتله شو محذورک اوکی التقی اوزره موضوع بحث اولان سیلیک مجیدیه چار یکلرندن تداوله صالح اولیانلری بعدازین در سعادت و طشره لده اصحابی طرفندن طوغریدن طوغری به وزنه مال صندوقلرینه کتوریلوب تسلیم اولنان اجهلر میاننده ظهور ایلدیکی حالده مأمورلری طرفندن قطع ایدیلرک اصحابنه اعاده سی موافق مصلحت اوله جغندن اولوجهله معامله اولنسی انجمن اداره مالیه قرار یله عرض واستیدان اولنسی اوزرینه شرف صادر اولان فی ۲۸ نثرین ثانی سنه ۳۰۰ تاریخلی یورلدی عالیده اراده و از بار بیور یله رق خزینه جهه معامله مقتضیه اجرا و کیفیت غزته لره اعلان و انبا اولندیغی کبی اولوجهله اجرای ایجابی خصوصتک بالجمله دواژ و ولایات ایله الویه مستقله متصرفلرینه دخی تبلیغ قلندیغی باتدکره مالیه نظارت جلیله سنندن بیلدیرلمش و کیفیت ایجاب ایدلره بیلدیرلیدیکی کبی اورالجهده عدلیه مأمورلرینه تبلیغ کیفیت اولتقی اوزره اشبو تحراتک نسیخ مطبوعه کافیه سی لفا ارسال قلنمش اولقله ایغای مقتضاسی خصوصنه همت

-----

وسائط شدیدة مشروعه به تشبث و یا خود سوء احوال و الالرنندن طولانی برترضیه اعطاسی شغلرندن برینک اختیار یله طرف عاجزانه مه اشعاری

ضبط کاتبی - محکمه قلنده و برلمش بویابده بشقه براسندما دها واردر

رئیس - کیمک استنداسی

ضبط کاتبی - رشید بکک استنداسی

رئیس - او قویکز

ضبط کاتبی بهاء الدین بک - استیناف مدعی عمومی معاونلرندن رشید امضالی اسکدار مدعی عمومی سابق جدی بکک جانغچی مهراک نام کسنه یی ضرب ایتسندن طولانی محکمه علیه لرنده اجرا قلنان و ضبط نامه لری طریق غزته سیله انظار عمومیده نشر ایدیلان محاکمه ده مظنون مومی ایله جدی بک حقتنده کی دعوانک خارجنده اولدیغی حالده بر زمین بوله رق شخص ووقع و حیثیت عاجزانه مه طوقتور درجه ده مفصلا عزویاته اجتسار ایتمش اولدیغندن و بومقالات مفتر یانه سنه نظارت جلیله جه صورت رسمیه ده تدقیقاتی اجرا بیوریلان دو قنور حسنی بک اوراق و ساثره کبی کندی علیه نه و بنده کزک مأمورت نقطه سنندن اجرا آت رسمیه جه تملقی بولنان احوال دخی درج و مزج ایله مرتکب اولدیغی ضرب فعلندن طولانی حقتنده کی دعوانک مسؤلیت قانونیه سنی تخفیف ایتدیرمک داعیه سیله اسنادات و مفتر یانه جرأت ایلدیکنندن حقتنده مفتری حزاسی اجرا قلنقی اوزره خارج صدد مقالاتندن طولانی مومی ایله ایله بو خصوص ایچون آروحه محاکمه مزک اجراسی ضمنده بوم محاکمه نک همان

تعیین بیورلمسنی ادعا ایدرم مدعی عمومی - رشید بک طرفندن محکمه یه برشکایتنامه و برلمشدر فقط محکمه به عاقد کادر ز را جدی بکک عزلی زماننده رشید بک حقتنده سویلدیکی برطاقم اسناداتندن عبارت اولدیغندن اجرای محاکمه سی بدایته عاقددر اگر جدی بک اسناداتی قبول ایده چک اولور ایسه تدقیق مسئله تمیزه عاقددر هر ایکی حالده محکمه وظیفه دار اولدیغندن استندانک ردیله عاقد اولدیغی محکمه ده تدقیقک تحت قراره التسنی طلب ایدرم جدی بکک مهراکندن تضمینات طلب و ناموسندن طولانی اقامه دعوی ایلدیکنه دایر استندا و پردی او قوندی رئیس - مذاکره ایده جکز دیهرک هیئت مذاکره او طه سنه چکلدی هیئت مذاکره او طه سنندن یکریمی دقیقه صکره عودت ایتدیلر رئیس - اسماعیل افندی بک بوراده باقلمسنی سویلدیکی افاداته تماماً استماع اولند قجه بوکا برقرار و بر یله مز یالکز ضبطه پکسون . جدی بکک ضرر و زیان و شکایتنامه سنه کلنجه مهراکک جوابی ایسترز قولولیان افندی - رئیس بک افندی حضرتلری جدی بکک بو استنداسی اوزرینه استجواب اولنماش ایدک بنده کز بونی بکلیوردم . دعوانک تقصیلی وقتی کلدی مدعی عمومی ادعا نامه سنده یش نوع دعوی اقامه و تعداد ایتش ایدی بونلرندن برنجیسی جدی بکک مهراکی ایکنجیسی عزت افندی بکک یه مهراکی اوچنجیسی موکلک اجد او نباشی بی درنجیسی جدی بکک ثروت بکی دوکلری

بشخصی حدی بک حدی افندی حقنده تفوهاته  
 بولمیدرکه بوصولک ایکسنگ زه شمولی بوقدر شمدی  
 حدی بک او کاورمش اونه کی بیلم نه یا پیش فقط ماموریتی  
 زمانده اولدیغی ایچون بوراده محاکمه اولیور فقط  
 بوشمدیکی استماعانک بهمه حال محکمه بدایته کیمتسنی  
 طلب ایدرم محکمه علیه کزک قرارینه بز قناعت  
 ایدرز فقط حق تمیز مز باقی اولوق شرطیله شمدی  
 بودعوانک مسبینی ارامق ایسترم نه سبب اولمشدرکه  
 بونلری بیک ایسترم.....  
 رئیس - بوتفصیلانک وقتی دکدر دها اوچ شهادت  
 کله جکدر یالکز سز شو شکایتنامه به قارشو  
 مدافعه کزی سو بلیکز  
 قولولیان افندی - اوندن بحث ایدیورم نتیجه سی  
 اورایه چیقده جقدر  
 رئیس - سزک شکایتنامه دن طولایی مدافعه کزی  
 ایستیورز  
 قولولیان افندی - شمدی مدافعه ایده جکم شی یه  
 اودر سابق مدعی عمومی مهراک ضرر وز یان  
 وناموس دعواسی نامیله بردعوی آچشدر تصور  
 وصنیعه اولان دهوادن طولایی عزلله سبب اولدی  
 ایتمدن قالدیم مایوس قالدیم دیور اون بش بیک  
 غروش تضمینات ایستیور بو سوز واهیدر  
 چونکه اطاعتنه مجبور اولدیغیز قانون عزل ایدر  
 تحت محاکمه به الور هر بریشی اوامر ایدر مهراک  
 عزلله سبب اولدی دیور مهراک نه حدی در که  
 بر ماموری عزل ایدر مکمه سبب اولسون حاشا  
 بو - وز شایان استماع دکدر فرض ایده لم که  
 بویله بردعوی ایتمه بیله بدایته عاقددر اساساً

قانون دیور که بر مامورک امور ماموره سندن طولایی  
 محاکمه اولوق لازم کلور ایسه استینانده باقیلور  
 دیور حاله سو که حدی بک مامور دکدر او حالده  
 بودعوی بدایته عاقددر  
 اسعد افندی - وکیل افندی موکلنک امور  
 ماموره سندن طولایی اولیان بر دعوانک بدایته  
 عاقد اولدیغی سو بلیور تأسف اولنور که بوباده  
 قانونک فصل مخصوصنی او قومامشتر ظن ایدرم  
 قولولیان افندی - بز قانونک فصل مخصوصنی  
 او قودوق حتی سوزلر مده مواد قانونیه به استناد ادر  
 مدعی عمومی - اسعد افندیک افاده سنی تأیید ایدن  
 اصول محاکمات جزاییه قانونک ماده سنی  
 او قودی  
 اسعد افندی - موکلک محکمه علیه کزه شمدی ارانه  
 ایش اولدیغی ایکی کاغددن بریمی رشید بکک  
 امضاء بیله ممضی و تهدیداتی مبین اوله رق عموم  
 دعوی ایچوندر دیکری یالکز موکلک اشکاسنی  
 مبین اوله رق مهراک ایچوندر هر حاله موکلک  
 علیه بنده کی دعوانک مرجعی بوراسی اولدیغنه شبهه  
 بوقدر شمدیکی دهوانک مرجع رؤیتنک بجنه  
 کلنجه اساساً بر فعل وقوع بولمشدر ( ابله مهراکی  
 کوستره رک ) بونلر حدی بک دوکدی دیورلر  
 بزده مهراک ناموسمزی اخلال ایتدی دیورز بو بر  
 یکی سوز برآنده و برزمانده وقوع بولمش ایکی فعلی  
 تصور بر در بونلر یکدیگرینه مر بو طدر بناء علیه  
 موکلکی مهراک تحقیر ایتسندن طولایی مرجع  
 بوراسیدر و ایتمه ده مدعی عمومیلک زمانده  
 باشلانمشدر

قولولیان افندی - ایتمه مدعی عمومیلک زمانده  
 باشلانمش دیورلر مدعی عمومی بک مدعی عمومی  
 اولوق لازم کلسه بیله طومش اولدیغی ایشک عجباً  
 مامور بنده جهت تعلق وارمیدر  
 مدعی عمومی - بوکاده حاجت بوقدر  
 رئیس - رشید بکک ایشی قالدی بو کون محاکمه  
 بونقطه ده قاله جق کله جک پنچشنبه کونی رشید بکی  
 دعوت ایده جکز ثروت بک وسائر لر بینی ده جلب  
 ایده جکز هیئت قانقار ایکن  
 عزت افندی - بنده کزک حقنده شهادت ایدن  
 شخص ادعا ایدیورم که یا اچمه و یا خود تهدید ایله  
 کلش شهادت ایدیور مهراکی قره غولک زه سنده  
 دوکدی بکی کوسترسون یالکز قره غولی کوسترسون  
 امینم که اونیده بیلز برده بو شاهد دیکر شاهد لئون  
 خفافیانک قیودن چیقار کن ارقه سندن پولیسر  
 طور سنی اولدیورز دیه تهدیداته بولمش بونلر یه  
 سو بلیور مخبر لکدن بشفه اوله رق علیه بنده دیکر  
 بردعوی ایچور کرقوره کلنجه بنده کزه تخلیه  
 ایتکلکم ایچون رجا ایتشدر بر اقدم قیویه کوندردم  
 یکریمی درت ساعت توقیف قالمشدر بوندن طولایی  
 نفسانیتی اولدیغی طبیعیدر مع مافیله بو شاهد ایله  
 بنده کزی بر ماموره ترفیقاً کوندرکده دوکدی بکم محلی  
 قره غولی تعیین ایتسون  
 قولولیان افندی - کله جک هفته بونلره برر برر  
 جواب ویره جکم  
 ساعت اونه چار بک قاله رق طرفین و مستمعین طاغددیلر

بیک اوچبوز ایکی سنه سی ربیع الاخرینک  
 یکریمی دردیجی و اوچبوز سنه سی کانون ثانینک  
 یکریمی سکزنجی بازار ابرتسی کونی ساعت بیله  
 چاریک قاله رق والتنجی دفنه اوله رق مجلس  
 محاکمه کشاد اولندی  
 هیئت محکمه ایله مدعی عمومی معانی عزتلو  
 مدوح و ضبط کاتبی بهسا بکار موجود اولوب  
 طرفین و وکیلاری محل مخصوصلرینه اقعاد اولدیلر  
 احمد اوباشینک مافوقنده بولنان ابراهیم چاوش  
 دخی حاضر ایدی  
 رئیس - هیئت سابقه موجود یکن محاکمه نک  
 ضبطی او قونه جق ( ضبط کاتبی بک افندی به  
 خطاباً ) او قویکز  
 ضبط کاتبی او قودی و ضبط کرائتی یارم ساعت  
 قدر امتداد ایتدی  
 رئیس - ضبط حقنده بر دیه جکز وارمی نقصان  
 وز یاده برشی وارمی  
 اسعد افندی بزجه بوق افندم  
 رئیس - ( اسماعیل و قولولیان افندیلره ) سزک  
 اسماعیل و قولولیان افندیلر - خیر افندم  
 مدعی عمومی - بنده کزک بعض افاده و مطالعاتم  
 ضبط اولتامش برنجیسی بکنکی محاکمه ده شاهدلردن  
 بر یسنک یلانچی شهادتی اولدیغندن علیه بنده  
 اقامه دعوی ایتلسی حدی بک طرفندن بیان ایدمش  
 ایدی

و بوجا جواباً بیلان شاهی اولدیغنه دارا صباب قانونیه  
 در میان ایتدیجک برشی دینه میه جکی سولتمش ایدی  
 ایکنجی پولیس یعقوب اقدی حقنده جلبنامه نیک  
 و وصول و عدم وصولنه دائر و بیلان قرارک  
 تأخیری طلبم اوزرینه ایدی بوده یازلماش  
 اوچنجی رشید بک حقنده مفصلاً در میان ایتش  
 اولدیغ مطالعات کاملاً یازلماشدر  
 رئیس - رشید بک ایچون ابروجه ضبط طوتلشدر  
 مدعی عمومی - او ضبط اوقونسون دیگر لریده  
 تصحیح ایدلسون  
 رئیس - ضبط ایدلسون رشید بکک ضبطی صکره  
 اوقونور شاهد لر وار ایدی رئیس - یان ارتین  
 اقدی  
 خدمه - کلامش  
 رئیس - جلبنامه کندوسنه تبلیغ اولتمشی  
 ضبط کاتبی - اولتمش امضاسی واردر  
 رئیس - پنجشنبه کونی کلشمی ایدی  
 ضبط کاتبی - پکن پنجشنبه کونی کلش و بوکون  
 کله جکنه دارا امضا ایتش ایدی  
 رئیس - او حالده کارر دیگر شاهد پولیس یعقوب  
 اقدی به دائر رسمی جواب کلدی  
 ضبط کاتبی - کلدی اوچ ماه مقدم پولیس لکدن  
 چیقوب شمعی زده اولدیغنه دائر معلومات اولدیغی  
 بیان ایدلشدر  
 رئیس - اوقو بکز  
 ضبط کاتبی - اوقور  
 رئیس - ( مدعی عمومی به خطاباً ) بو بابه  
 مطالعه کز

مدعی عمومی - پولیس یعقوب اقدینک پولیسلی  
 ترک ایلدیکندن محل اقامتی معلوم اولدیغی واردر  
 اولان جواب رسمیدن اکلششدر او حالده مضبوط  
 افاده سنک قرائتیه اکتفا اولنور  
 رئیس - مضبوط افاده سی وارمیدر  
 ضبط کاتبی - واردر  
 رئیس - اوقو بکز  
 ضبط کاتبی - یعقوب اقدینک افاده مضبوطه سنی  
 عیناً اوقودی  
 رئیس - ( قولولیان اقدی به خطاباً ) تحقیقات  
 اولیه اوراقی میاننده بولنان پولیس یعقوب اقدینک  
 شو افاده سنه قارشو نه دیرمکز  
 قولولیان اقدی - بو آدمک افاده سی عریض و عمیق  
 مطالعه اولتمق لازم کلسه ایش اکلشبور اولان  
 اونباشی عرب به بنوب کیتش مهران اینرکن طوته مامش  
 صکره قوشمش یتشمش عرب به جی مهرانک اوردیغی  
 کور مامش سسندن یعنی اونباشنک وای  
 کوزم دیمسندن اکلماش بو آدم اوردی دیش شمعی  
 مبانیت حاصل اولدی عرب به جی بعد التحلیف استجواب  
 اولمشدر برده یعقوب اقدی کندی ارقاشلریدر  
 ارقداشک شهادتی صحیح اوله بیلور فط ایشده  
 کندوسی داخل اولماق شرطیله در بولر مشترکاً  
 مؤکله از اوجفا ایدرک حبس ایتشلدر صکره ده  
 کندی لهنده شهادت ایدیور بونک نه حکمی  
 اوله بیلور شاهد لر وقواتک فرداسی کونی  
 استجواب اولمشلدر بو آدمه ایسه ون سکز  
 کون صکره سؤال ایتشلر عجبا بونن نه معنی  
 استخراج اولنور نصل اولورده اون سکز کون  
 تأخیر ایدیور عزت اقدینک دوکدکنی بیلم

دیور یالکز اوچ کشی قره غولی باصدی دیور  
 بوسوزمیدر ؟  
 اسماعیل اقدی - مساعده بیور بیلور ایسه برشی  
 عرض ایده جکم رفیقم اقدینک مؤکلی ایشدن  
 صبرمق و مؤکلریمی محکوم ایتک ایچون لنده برقاره  
 وارکلان شاهد لره افترا ایدیور بولاشدیر بیور  
 عزت اقدی و عزت اولجه کلوب شهادت ایدن  
 مهرانی دوکدکنی کورمدم دیمشدر ضرب  
 وقوعبولماشدر وغیر واقعدر . بو حالده یعقوب  
 اقدی طوغری سو بیلور غیر واقعی خلاف  
 حقیقت اوله رق واقعدری دیسون شمعی ایسه  
 بو آدم از میره کیتش معیترنده دکلدر اوراق  
 تحقیقیه محکمه جه معتبر ایسه اوقونور اوراسی  
 محکمه نکر آینه محولدر چونکه اوصرده ایشک  
 یوقدر بیویه جکنی کیم بیلوردی که افاده سنی بشقه  
 درلو سولیه سون مؤکک کوزینه اوردیغنه دائر  
 راپورط واردر مطالعه اولنسون عدالت الهیه  
 ری بی بولور صرف افترادن عبارت اولان برایش  
 ایچون بوقدر اهمیت و برمشدر تدقیق ایدیور  
 قانون هرکسک حقوقنی محافظه ایدیور پکن کون  
 عرب به جینک افاده سیله سائر لر بی تعقیق ایتک  
 آرزوسنده ایدم محکمه علیه کز منع ایدی محکمه نیک  
 منع ایدی بر شئیته دوام ایتک بر خطادر بونی  
 هیچ بروقت قبول ایده میه جکمدن سکوت ایدم  
 اونباشینک حضور محکمه ده کی افاده سیله تحقیقات  
 میداندر مهرانک ایدیکی معامله مسکوت عنه  
 یعنی اونباشینک کوزینه اوردیغی و او ده امدادرس  
 اوله رق فریاد ایدرک قره غوله کتوردیکی ساقط

اولمش یالکز مؤکلر یزک پامامش اولدق لری فعللر  
 میدانه چیقمش ظن ایدیور لر حال بو که یعقوب اقدینک  
 شهادتنک ادله مقنعه قانونیه ایه طوغری اولدیغی  
 عرض ایده جکم  
 اسمع اقدی - شاهدک اون سکز کون صکره  
 افاده سی النسی مصنع اولدیغنه دلالت ایدر دیور لر  
 اون سکز آیده پکسون نقدر اولور ایسه اولسون  
 مرور زمان مسئله سی اصل یعنی اساسی اولدقن  
 صکره هر وقت مع الخلیف شاهد استماع اولنه بیلور  
 حال بو که اون سکز کون اعتراض ایدیور لر کندیلری  
 درت بش آی صکره شاهد جلب ایتدیر مشلدر  
 دیمک که مصنوع اولدق لری کندولریده اعتراف  
 ایدیور لر  
 اسماعیل اقدی - رفیقم شاهد لری درت بش آی  
 صکره جلب ایتدیر مشلدر دیور و کندولری ایسه  
 مفتش اقدی حضرت لرینه بوصله سنی و بردک دیمشدر  
 ایدی مشار الیه حضرت لرندن تحقیق ایتدک خبر لری  
 یوق ایش  
 مدعی عمومی - بوجهت اولجه تحت قراره النمشدر  
 شمعی شاهد لر حقنده سوز سولتمز  
 رئیس - پکنکی محاکمه ده سولیدک شاهد لر حقنده  
 سوز سولتمز  
 قولولیان اقدی - سولیدک لرینه جواب و بره جکم  
 اسماعیل اقدی - تسلسل ایده جک محاکمه یه  
 باقلم  
 قولولیان اقدی - بو بابه سوز سولیک حقنی محافظه  
 ایله تأخیر ایدرم  
 رئیس - شاهد کلشمی

خدمه محمد اغا - خير افندم کلامش

رئیس - (مدعی عمومی به) بوبابده مطالعه کز

مدعی عمومی - شاهد رئیسین ارتین دعوتیه اجابت

ایتمامسندن ناشی جزای نقدی ایله محکوم اولمش

اولدیغی حالده پکن پنجشنبه کونی کلدیکی ضبط

کاتبی طرفندن رسماً خبر ویریلدور وحتی جلبنامه پی

بوکون کلک اوزره محکمه ده امضا ایتمش اولدیغی

بیان ایدیلدور شو حالده کندوسنه ایکنجی دفعه

دعوتیه اجابت ایتمش نظر یله باقیله من چونکه

اوکون هیئتک نقصان اولسنه مبنی محاکمه اجرا

ایدیله مامشدر شاهد مرقوم پنجشنبه کونی کلدیکی

وقت اولکی محاکمه ده بولنه دیغنیک معذرت

مشروعیه مستند اولدیغی قانون دائره سنده اثبات

ایدیک اصول محاکمات جزایشه نک یوز قرق سکننجی

ماده سندن استفاده حقنی محافظه ایتدیردی شمدی

کندوسنه برنجی دفعه کلامش نظر یله باقیله جفغندن

جزای نقدی قرار ینک ابقایی لازم کاور

هیئت مذاکره او طه سنه چکلدی اون دقیقه صکره

عودت ایله

رئیس - دهامذاکره من ختام بولمیدی چونکه وقت

مساعددر بلکه کاور

جدی بک - افندم نه بو آدم جزانسون ونه ده بوبله

برشاهد ایچون ایتمش اوزاسون افندم محاکمه من

درت آیدر امتداد ایدیلدور بوشاهدک چارشوده

اولدیغی اکلاشلدی طرف ریاستدن خبر کوندر یله ییلور

دهاوقتیژ واردر قانونده مساعددر

رئیس - اقامتگاه ی زه ده در

جدی بک - اسکدارده ایتمش

رئیس - مباشر چارشوده بو آدمک دکانی ییلورمی

مباشری چاغری یکز . کاور

رئیس - عبده اغا شاهد ارتین رئیسین افندیکنک

دکانی ییلور میسکز

عبده اغا - چارشوده دکانی بو قدر

رئیس - جدی بکه خطاباً چارشوده در دیورسکز

زه سنده

جدی بک - اوله ایتمش دیه ایتمشدم

رئیس - رشید بک دعوت اولندی

ضبط کاتبی دعوت اولندی شهباز افندی وکیل

اوله رقی کوندر مشلر

رئیس - شهباز افندی تسجیل اولندی

ضبط کاتبی - اوت افندم

رشید بکه مخصوص اولقی اوزره طوتیزن ضبطی

او قویکز بو ائنده سامعین میانده او طور مقدمه اولان

برنجی صنف دعوی وکیللرندن شهباز یان افندی ایاغه

قالقه رقی و حضور محکمه دیه کله رک

شهباز افندی - افندم عرض ایدم حکم برنی وارد رک

ضبطک قرائنه محل براقیه جقدر

رئیس - سو یلیکز

شهباز افندی - معلوم احسانلر یدر که جدی بک فندی

مؤکلم رشید افندی حقنده مفتر یاتدن معدود برطاقم

اسناداتده بولتمش و مؤخرأ جدی بک افندی مؤکلم

بک افندی به مراجعتله اعتراف قصور ایتمش

وتقرهاتلری ایسه جاقیمجی مهراک محاکمه می

ائنده اولدیغی جهتله عالم مطبوعاتده نسر اولتمش

اولدیغندن بونک دخی اوضبطه پکور سنی بیان

ایتمش اولدنلرندن بو اعتراف قصور لر ینک

دخی اوضبطه پکور یله رک انظار عامه به وضعی

طلب ایدرم و حقوق شخصیه دعوا لرندن واز

پکد کار بینی بیان ایدرم

رئیس - دیمک که او حالده حقوق شخصیه لرندن

فراغت ایتدیلر

شهباز افندی - اوت افندم جدی بک افندیکنک

اعتراف قصور ایتلرندن طولایی دعوا لرندن واز

پکدیلر

رئیس - (مدعی عمومی به خطاباً) بوبابده

مطالعه کز

مدعی عمومی - بنده کز چکنکی محاکمه ده بو استدا

اوزرینه اولنان دعوی هر ایکی صورتده بورایه عائد

اولدیغی جهتله ردینی طلب ایتمش ایدم شمدی ینه

مطالعه سابقه می تکرار ایدرم

شهباز افندی - ینه سامعین صره سنده بولندیغی محله

اوطوردی

رئیس - استیناف مدعی عمومی معاونلرندن جدی

افندی دعوت اولندی

ضبط کاتبی - دعوی شخصیه لرندن فراغت ایلد کز ینه

دائر محکمه قلنده ویرلمش بر استدا واردر

رئیس - او قویکز

ضبط کاتبی بک افندی استدعایی او قورلر

خلاصه مالی « اسکدار مدعی عمومی سابق

جدی بک علیه اقامه ایتدیکم ناموس دعوا سندن

طولایی محاکمه ده یا بالذات حاضر بولمق و یا خود

بروکیل کوندر مک اوزره ارسال یوریلان دعوتنامه

النسبی فی الحقیقه جدی بک ناموس بندکانه می

اخلال ایدر درجه ده معامله تجاوز کار یده بولندیغی

استخبار اولنهرق مو می علیه اقامه دعوی

ایدیک برده اشتکا نامه تقدیم ایتمش ایسه مده جریان

ایدن محاکمه علیه نتیجه سنده حقیقت و ماهیت

مسئله تمامیه میدانم چیتمش و تجاوزات واقعه نک

بنده کزجه اصلاح حکم و تأثیری قلامش وشو حالده

دعوی ایتمک جدی بک شخصاً معذور یتنی ایسته مک

دیمک اولوب بونی ایسه وجداناً قبول ایدم میه حکم

در کار بولتمش اولدیغندن دعوی شخصیه مدن

فارغ اولدیغی عرض ایدرم « دن عبارتدر

رئیس - (مدعی عمومی به خطاباً) بوبابده

مطالعه کز

مدعی عمومی - جدی افندیکنک حقوق شخصیه سندن

فارغ اولدیغی محکمه به تقدیم ایتدیکی استدا سنده

بیان اولنیور بو حالده یا لکز حقوق عمومیه جهتی

قابلور بو بابه کی مطالعاتی اتی به تعلیق ایله شمدی

ثروت بک نامنده بریسنی جدی بک ضرب ایلدیکی

تدقیق ایدلسون و ژورنالك ضرب مسئله سنه باقلسون

رئیس - دیمک که جدی افندیکنک حقوق

شخصیه سنک فراغته دائر اولان و حقوق عمومیه

جهتله تعلق ایدن مطالعه کزی تأخیر ایدرک دیگر لر ینه

باقلسون دیور سکز بک اعلا ثروت بک کلشمی

ضبط کاتبی بهابک - حقوق شخصیه سندن

فراغت ایلدیکنه دائر جلبنامه زیرینه اشارت

ایتمشدر

ضبط کاتبی بهابک الدین بک طرف ریاستدن

وقوع جولان امر اوزر ینه جلب نامه زیرینه محرر

اشارتی او قودی ثروت بک حقوق شخصیه سندن

فراغت ایتمش اولدیغی اکلاشلدی

رئیس - مدعی عمومی به خطاباً حقوق شخصیه سندن فارغ اولدیغنی ثروت بک بیان ایدیور مطالبه کزی بیان ایدیور

مدعی عمومی - ثروت بکدن طولایی جدی بک علیه اقامه ایدیلان دعوی ضرب دعواسی اولوب ضرب دعواسی ایسه طوغریدن طوغری به حقوق عمومی به متعلق اولدیغندن مومی الیهک حقوق شخصیه سندن فراغتی حقوق عمومی دعواسنک اقامه و تعقیبه تأثیری اوله من شهیدی اولباده کی دعواسی اقامه و تصویر ایدرم

رئیس - او یله ایسه دعوا کزی تصویر ایدیور مدعی عمومی - بوکون جدی بکک باغیر باشنده ساکن توتونچی سرکزک خانه سنه کیدرک زوجہ سنی ضرب ایتمزدن طولایی مظنون علیهم اولان اشخاصدن ثروت بکی ضرب ایتسی و بو باده اولان اوراق تحقیقه بی مدت مدیده نزدنده حفظ و توقیف ایله اوراق دروننده بولنان ژورنالک اورتهدن قالدیرلمسی مسئله لری حقنده کی دعوا مزی تصویر ایدیورم

شویله که مومی الیه ثروت بک ایله رقاسنک حرکت واقعه لرندن طولایی استنطاق قری اجرا اولندقدن درت بش کون صکره کفالت نقدیه ایله سبیلاری تخلیه اولدیغنی کی تحقیقات استنطاقیه بالا کال اوراقی ادما نامه یازلق اوزره تموزک طقوزنده استنطاق دائره سندن مدعی عمومی بککه تبلیغ قلمش اولدیغنی و معاون اکاه افندی ادما نامه مسوده سنی قبله الهرق و بو باده تنظیم اولنان ژوزنالده محرر اولوب اوراق تحقیقه به درج اولنمیان ثروت بکک حین در دستنده جدی بک طرفسندن اوریلان

توقاد مسئله سنک محکمه نک رأینہ حواله قلنددیغنی حقنده برقره علاوه ایدرک لاجل التصحیح اوراقی جدی بکه و برمش اولدیغنی حالده طول مدت چکجه سنده الیقویوب دفعه غزته لرک نشریاتی اوزرینه استنطاقنامه نک زیرینه اشارت ایدرک و تاریخ وضع ایتیه رک استنطاق دائره سنه اعاده اولتی اوزره مدعی عمومی بکک قلمه و پردیکی و بوضه ده مذکور ژورنال ایله ادما نامه مسوده سی اورتهدن قالدیرلدیغنی و جدی بکک امریله چکجه سی تحریر اولنش ایسه ده برشی کور به مدیکی قلم مذکور میری رضا و مقیدی نوری و معاون آکاه افندی ایله مستنطق ابراهیم افندی نک افاداتندن مستبان اولدیغنه مبنی ادما نامه مسوده سی ایله ژورنالی اورتهدن قالدیران جدی بک ایدوکی اکلاشیله جغنه و ضرب جهتنه کلنجه مومی الیه ثروت بک کندوسنی ضرب ایدن جدی بک ایدوکی ایتسی کونی حکومت قوناغنه چیقاردقاری وقت کوروب تشخیص ایتدیکنی افاده ایتسنه ژاندارمه احد افا عدم معلومات بیان ایتش ایسه ده اولوقت باغیر باشی فره غولخانه سنده بولنان نفر بوسف طرفندن دخی ثروت بکک یوزینه توقاد اولدیغنی خبر و برلسنه و مومی الیه ثروت بکک حاجی سرکزک حرمنی ضرب ایتسندن طولایی توقیف ایدلدیکی حالده فرداسی کونی صالحو برلسی دخی جدی بک طرفندن مومی الیهک ضرب ایدلدیکک میدانه چیقمامسی املنه مستند ایدوکنی مثبت بولنسنه و مومی الیهم طرفندن ایدیلان شهاداته نضراً جدی بکک ثروت بکی ضرب ایدلدیکی اکلاشله جغنه مبنی

بوکون جلب اولنان مومی الیهم رضا و نوری و اکاه و ابراهیم افندی لرک و نفر بوسفک استماعلرینی طلب ایدرم

رئیس - ضرب زرده وقوعه بولمش

مدعی عمومی - قره غول خانه ده اولمش

جدی بک - ثروت بک سرکز نامنده برینک اویته کیتش صارقندیلق ایتش صکره صالحو برلسی و ژورنالک بولنه مامسی حسبیله حق عاجزانه مده ثروت بکی دوکدی و ژورنالی ضایع ایتدی دبه اقامه دعوی اولنیور بنده کز ثروت بکی دوکدی بکم و حالا طایفادیم کبی ژورنالده ضایع ایتدم اوج درت محله قیدی بولنان برشی کتم ایتکدن نه فایده اوله یلور صورتلری جلب اولنه مزمی و بوندن بنده کز نه استفاده ایده یلورم و قوعاتی عرض ایدهیم

بنده کز باغیر باشنده کی خانه مه نقل ایتدکن اوج درت کون صکره قره غولده برکورتی اولدی قره غول بنده خانه کزه یقین اولدیغندن ایتش ایدم اوضه ده قره غولدن بریسی کلدی محکمه باش کاتیم دیور سن یلور سرکز کلک زده کوریکزدیدی قولکز کیتدم اوراده ثروت افندی دنیلان ذاتی کورمش ایسه مده کیم اولدیغنی بئله ایدم رفیقی بولنان رضا افندی ایله اوغراشورلر ایدی رضا بک و ای بک افندی سزیمسکز دبیکه پولیس دائره سی کتبه سندن در کندوسنه نصیحت آمیز سوزلر سولدم سز پولیس مأمورلرندن سکز بو یله قره غولده کورلتی ایتک سزه عیبدر سولیکز ژورنال یاز سونلر سن نظام یلور سکز دیدم صکره خانه صاحبی اولان

سرکز بنم خانه مه کلان شونلردر دهرک تعریف ایتدی قره غولده ایکی ژاندرمه وار پولیس زرده در دیدم دوام ایتدیور دیدیلر صکره دکشدر دیدیلر رضا افندی سن محکمه باش کاتبی دکلسن پولیس دائره سنده سن سکا بویله حاللری یاقشدر برهم دیدم برده تأسف ایدر مکه بویله مواد جزا بنده اوج شرط واردر برنجیسی مدعی شخصی ضربک فاعلنی تشخیص ایتلی ایکنجیسی مظنون عد ایدیلان شخصک عداوت دنیویه سی اوللی او چنجیسی جرم و اسباب ثبوتیه سی موجود بولتی بو افندی نک افاده سنی کوردم کتبه دن ایش جزا بدایت محکمه سنده ایش سایه شاهانه ده ایکی محکمه ده بولندم بو آدمی بیلورم بش آی صکره کتور یلور سوال اولنور بنده کزده بش آی اول بر توقاد اورمش سن ایکی توقاد اورمش سک دیدیلر صکره دن بکا سو یلدیلر اکلام بونی او کچه طوبخانه لی اوغله کتور مشلر ژورنال ایتشلر و بش آی اول توقاد اوردیغنی نیچون سو یله ماش عجباً بونی غزته لر عن جیب می یازد لر بن کندوسنی دوکدی بکم کبی بر ژورنالده وار بکا بریسی برنوقاد اوردی دیمش ثروت افندی ایتسی کونی قپویه کیتش پولیس دائره سنه کیتش مستنطق حضورینه چیقمش نه ایچون سوال ایتامش مدعی عمومی دعوی ایتسه بیله مستنطق سؤاله مجبور بی طبیعیدر بونلر برخانه به تسلط ایدر آدم دوکرلر طبیعی مدعی عمومی ادما نامه یازه جقدر آکاه افندی بو باده برشی یازمش مساعده یلور ایدم شونی عرض ایدهیم افندم ادما نامه نوقت یاز یلور مستنطق تحقیقاتی ختام بولدقدن صکره

یاز یلور معاون آگاه افندی هر وقت ثابتی غیر ثابت بازار ایشی عکسنه اوله رق اکلار بوقیلدن بک چوق مسوداتی ابطال ایشدر احتمال که بوا دانا مه مسوده سیده بوسورتله طرف چا کرانه مدن منع ایدلشدر چونکه بومعامله ر ومستلزم جزا حر کنلری بنده کزه مائدر کندیوسی دوام ایتمز دوامی ایچون دفعاتله کندیوسنه مراجعت ایتدم ایجاب ایدن مقاماته عرض ایتدم مدعی عمومی - صدد خارجنه چیقیلیور منع ایدیگز رئیس - صدد خارجنده سوز سوئلیگز علیه کزه اقامه اولنان دعوا ایدیگز بریسی ژورنال مسئله سیدر که آگاه افندی نیک اوراق تحقیقیه اوزرینه ادعا نامه مسوده سنی قلمه الوب ذات عالی کزه وردیکی وقتده طرف عالی کزدن کتم اولندیغی ایکنجیسی ثروت بکک ضرر بی مسئله سیدر بونلره دائر مدافعه ایدیگز خارج صدد معامله ده بولنمیکز جدی بک - عرض ایتدیکم شیلر مدافعه مک نتیجه خلاصه سیدر ایتدم مدعی عمومی اوراق تحقیقیه ومستنطق قرار نامه سنه بقار اکا کوره ادعا نامه سنی یازار بویله اولدن مدعی عمومی ادعا نامه یازه یلور می تعمیق تحقیقات ایچون مستنطقه حواله ایتدک (جدی بک برطاق اوراق کوستر رک) بویله الی یوز داته وار بونلری ناظر پاشا حاضر تری نه ده کوستردم اوتنه ده بروده ایش قلمش اکر بو ژورنالده بوقیلدن برشی اوله یلور ایسه اوراسی بشقه اوله مامسی بولنه مامسی بنده کزه طوقنور

جهتی بو قدر بلکه ده آگاه افندی کندیوسی ضایع ایشدر


( مابندی وار )

# اعلان

طقسان سکز سنه سی نیسانتک اون درنجی چهارشنبه کونی ملعقره ایله تکفور طماغی اره سنده واقع فندقلی نام محله ملعقره لی کراچی مصطفی و بقال طروس وماوریدی اوکرینه مجهول الاحوال رفیقلر یله برابر چیقوب معامله جبر و شدت ایقاعیه اچه واشیالرینی اخذ وغصب ایتل فعلندن طولانی مظنون علیه اولوب جریان ایدز تحقیقات ومعامله قانونیه اوزرینه هیئت اتهامیه دن جنایتله اتهام اولنان ووادی فرارده بولنان ملعقره لی اورتی بویلی الا کوزلی تر یقلی یکر می بش یاشنده شعبان دده اوغلی حافظ محمد حقنده تکفور طماغی محکمه بدایت جزا دائره سنجه اجرا قلنان محاکمه علنیه نتیجه سنده فراری مرقوم حافظ محمد افعال مذکوریه اجتسار ایتدیکی تحقیق ایتکله جزا قانوننامه همایونک التمش ایکنجی ماه سنک علاوه سنه تطبیقاً مرقومک بمد التمشیر بش سنه مدته وضع کورک اولنسنه و اموالک جز یله بشیوز مسکان غروش خرج محکمه نیک تحصیل ایدلسنه غیباً ومتفقاً حکم وقرار ویرلکا اعلان کیفیته ابتدار قلندی

فی ۳۰ ربيع الاخر سنه ۱۳۰۲ و فی ۳ شباط سنه ۱۳۰۰

ایوب اوسته نیک  $\frac{۲۱}{۱۱۹}$  نومرولی اعلام موجبجه خزینتہ خاصه شاهانه محکوم به دینی اولان میالغ معلومه نیک تسو به سی ضمنده قره باش محله سنده قصابلر ایچی زقاغنده متصرف اولدیغی بر باب قهوه دکانتک فروختی مقرر بولندیغندن تاریخ اعلان اعتباراً اون بش کون صکره بلزاید فروخت ایتدیر یله چکی بک اوغلی بدایت محکمه سی اجرا مأوریتی جانبدن اعلان اولنور فی ۵ شباط سنه ۱۳۰۰



حافظه معبره خانمک داود پاشا محله سنده قره غول خانه قارشوسنده کائن متصرفه اولدیغی بر باب خانه سنی هنداهالی مسله سندن حاجی حسن افندی ن المش اولدیغی بوز اون عدد بوز لک قائمه مقابلنده افندی مومی الیه عهده سنه و فاء فارغه اولوب مبلغ مزبوری افندی مومی الیه اعطا ایتک ایستمش ایسه ده غیبو بت ایتدیکندن و مبلغ مزبوری اعطایه حاضره بولندیغندن بحثله مذکور خانه نیک اعاده فراغی ومصارف محاکمه نیک افندی مومی الیه نیک تحصیلی حقنده در سعادت بدایت محکمه سی ایکنجی حقوق دائره سنه تقدیم قلنان عرض حال اوزرینه اصول محاکمه حقوقیه قانون موقنتک ماده مخصوصه سنه توفیعا بوم محاکمه بالذات حاضر بولنلری و یا خود طرفندن برینک وکاله کوندرلسی و اوج دفعه غزته لرله اعلان اولنمش اولدیغی حالده

افندی مومی الیه بالذات کلامش و طرفندن وکیل دخی کوندر مامش اولدیغنه بناء قانون مذکورک یوز قرق درت و بشنجی ماده لری احکامنه توفیفاً غیباً محاکمه لری بالاجرا قوائم مذکورده نیک قرار نامه سنه توفیفاً حاصلی اولان یکر می درت لبراً قرق سکز غروشک خاتم مومی الیه طرفندن افندی مومی الیه اعطاسنه و افندی مومی الیه نیک دخی مذکور خانه بی مر بوره به اعاده فراغ ایتک ایچون مجبور طولسنه ومصارف محاکمه نیک افندی مومی الیه نیک اخذینه دائره مذکورده دن و بریلان فی ۱۴ تشرین ثانی سنه ۱۳۰۰ تاریخ و اوچ یوز التمش بر نومرولی اعلام لاجل الاجرا دائره به تودیع قلنه رق اجرا قانون موقنتک یکر می اوچنجی ماده سی موجبجه کوندرلسی اقتضا ایدن اخبار نامه ایچون افندی مومی الیه نیک محل اقامتی کوستر یله مدیکی و کندیوسی دخی میدانده اولوب الحاله هذه فائب بولندیغی اکلاشلش اولدیغندن قانون مذکورک یکر می طقوزنجی ماده سنده اصول محاکمه نظامنامه سنک در درنجی قره سنه توفیفاً مومی الیه حاجی حسن افندی نیک تاریخ اعلان اعتباراً طقسان برکون طرفنده دائره به کله رک اثبات وجود ایلسی و عکسی حالده مبلغ مزبور خاتم مومی الیه نیک نهرق و اجرا وزنه سنده حفظ ایتدیر یله رک مذکور خانه نیک مومی الیه عهده سنه بر موجب حکم اعلام اعاده فراغی ایچون ایجاب ایدن محله تبلیغات بالاجرا تسلیم قلنه چنی در سعادت

بدايت محكمه سى اجرا دائره سندن اعلان اولنور  
فى ۷ شباط سنه ۳۰۰

~~~~~

مفلس مانى قاطوره جي انكلى غريواس و قومپانيه سنك  
افلاسى حقنده لازم كلان معاملات قانونيه كاملاً  
اجرا اولنمش اولديغندن مفلس قومپانيه مذکور  
ذمتنده الاجغنى اثبات ايتمش اولان اصحاب مطلوبك  
مذکور قومپانيه طرفندن تکليف اولنه جقي قونقو  
داتونك بللدا کره قرارلشديرلمسيچون اشبو بيك  
اوچيوز سنه سى شباطنك اون سکزنجى بازار  
ايرتسى كوني ساعت يديده ايکنجى محكمه  
تجارته کللى اعلان اولنور

فى ۱۱ شباط سنه ۳۰۰

~~~~~

نفيسه حور به ونسيه خانمك مصطفى سلامى  
افندى ايله زوجه سى زليخا ليلا خانم ذمتلنده بااعلام  
شرعى محكوم به الاجغلى اولان مبالغ معلومه يه  
مقابل مديونه مومى اليهانك عهده سنده اولوب  
وكالت دور يه ايله مرهون بولنان ابوبده قزل  
ممجده محله سنده التمش برنومرو ايله مرقم متصرفه  
اولديغى نصف خانه سى بوندىن اقدام بالمزايده ايرا  
يوز غروش حساييله درتديك بشيوز غروش  
بدل ايله طالبى عهده سنده تقرر ايتمش اولديغندن  
تاريخ اعلان اعتباراً اوتوز بركونه قدر يوزده  
بش ضميمه زياده يه طالب اولنلرك اعلامات شرعية

اجرا دائره سنه مراجعت انللى اعلان اولنور  
فى ۱۲ شباط سنه ۳۰۰

~~~~~

كراسته جي اصناف سندن متوفى ارتين ورته سنك  
اصناف مرقومه دن كروپه ذمتنده بااعلام شرعى  
الاجغلى اولان مبالغ معلومه نك تاين استيفاسى  
ضممنده مديون مومى اليهانك عهده سنده بولنان  
استانبولده طوپقنو قربنده بايزيد انا محله سنده  
آق سراى جاده سنده واقع اللى درت نومرو ايله  
مرقم بر باب كرسته جي دكانى ايله ينه محل مذكوره  
بقال زقاغنده كائن اون بر نومرو لى بر باب خانه نك  
تمامى وجاده مذكوره واقع بكرمى بر نومرو ايله  
مرقم بر باب دكان عرصه سنك بتون كدىكى التى  
حصه اعتبار يله بر حصه سنك و ملكك دخى اون  
سكز حصه اعتبار يله كذلك بر حصه سنك و محله  
مذكوره مينخانه زقاغنده كائن ايكي نومرو ايله  
مرقم بر باب مينخانه نك بتون ملكى تيش بش سهم  
اعتبار يله قرق بش سهمدىن مرقوم كروپه نك حصه  
شابعه سنك تاريخ اعلان اعتباراً اون بش  
كون صكره فروخته تشبث اولنه جنى اعلامات  
شرعية اجرا دائره سندن اعلان اولنور

فى ۱۳ شباط سنه ۳۰۰

~~~~~